

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

FIVE IMPORTANT TIPS TO HELP NOVICE
ATHLETES IN SPORTS CONFIDENCE

Turmeric & Coffee

The Suprising Ingredient Generating Short-Pulsed Laser

EMAIL CARBON FOOTPRINT

A SOURCE FOR GREENHOUSE GASES EMISSIONS

Creating Happiness

IN WORK AND LIFE IN SOCIETY: A RELIGIOS PERSPECTIVE

Teknik Pengucapan

BARACK OBAMA

eISSN 2600-9811



Publication Date
7 November 2023

Kem Kepimpinan Pelajar Sekolah Menengah Anjuran Pelajar Pengurusan Operasi

Noor Malinjasari Binti Ali*, Siti Fatimah Mardiah Hamzah, Suzila Mat Salleh, Raslina Mohamed Nor, Hasmdia Mohd Noor, Ruzaidah Sulong, Afif Zuhri Muhammad Khodri Harahap, Yau'mee Hayati Hj Mohamed Yusoff, Nurmuslimah Kamilah Abdullah

Fakulti Pengurusan dan Perniagaan, Universiti Teknologi MARA Cawangan Terengganu, Dungun, Terengganu.

*Emel koresponden: noorm726@uitm.edu.my

Pada 6 dan 7 Julai, 2023 yang lalu, satu projek khidmat masyarakat telah diadakan di Universiti Teknologi MARA (UiTM) Cawangan Terengganu Kampus Dungun anjuran Pelajar Pengurusan Operasi Semester 4 di bawah kod kursus OPM560 iaitu kursus Supply Chain Logistics Management dengan kerjasama Unit Kaunseling Sekolah Menengah Dato Engku Bijaya Sura Paka, Dungun Terengganu. Para pelajar ini juga telah dibimbing oleh rakan-rakan pensyarah yang juga merangkap ketua jawatankuasa dan penceramah untuk para pelajar sekolah menengah tersebut yang terdiri daripada mereka yang memegang jawatan sama ada sebagai pengawas, pembimbing rakan sebaya, pengawas pusat sumber dan juga yang terlibat dalam bidang teknologi.

Program khidmat masyarakat yang dijalankan ini selain memenuhi keperluan silibus kursus, ia juga turut menyumbang kepada petunjuk prestasi iaitu menjalankan USR (University Social Responsibility) yang menjadi salah satu penunjuk aras atau KPI universiti ataupun fakulti. Pihak sekolah bersetuju untuk menyumbang separuh daripada perbelanjaan program manakala bakiannya ditanggung oleh para penasihat merangkap penceramah program. Para peserta terdiri daripada 105 orang pelajar sekolah manakala para pelajar UiTM menjadi fasilitator yang terdiri daripada 25 orang pelajar, 2 orang guru pengiring dan 9 orang penasihat program yang terdiri daripada pensyarah universiti.

Antara aktiviti yang dijalankan dalam kem kepimpinan ini adalah aktiviti ceramah, latihan dalam kumpulan, riadah mahupun aktiviti berbentuk kerohanian. Para peserta yang terdiri daripada bakat pemimpin sekolah turut diadili melalui aktiviti latihan dalam kumpulan yang diadakan merangkumi lapan kumpulan sederhana besar. Manakala aktiviti ceramah merangkumi topik seperti 'Pengurusan Data' telah disampaikan oleh



Kem Kepimpinan pada 6-7 Julai, 2023 dengan tema FRESH (Future leaders, resilience, excellence, smart and honest)

Puan Yau'Mee Hayati, 'Pengurusan Masa dan Pengurusan Diri' oleh Puan Hasmdia dan Puan Ruzaidah, 'Kemahiran Komunikasi dan Interaksi Dua Hala' oleh Puan Siti Fatimah Mardiah dan Puan Suzila, 'Kemahuan untuk Berubah dan Konsep Kepimpinan' oleh Cik Noor Malinjasari dan ceramah terakhir iaitu 'Kemahiran Kerja Berpasukan' oleh Puan Nurmuslimah Kamilah. Dr. Afif memimpin aktiviti riadah melalui aktiviti 'Badan Cergas, Otak Cerdas' di mana para pelajar dibawa mengelilingi kampus UiTM Dungun.

Majlis penutup program telah dirasmikan oleh Ketua Pusat Pengajian (KPP) Fakulti Pengurusan dan Perniagaan (FPP) iaitu Dr. Nik Fakrul Hazri Nik Hassan. Pengetua Sekolah iaitu Cikgu Abdul Aziz bin Nik Mat dalam ucapannya beliau memuji sinergi yang dijalankan antara pihak UiTM dan pihak sekolah serta berharap kolaborasi seumpama ini dapat diadakan lagi pada masa hadapan. Upacara penyampaian sijil dan cenderahati kepada pemenang turut disampaikan dalam majlis penutup itu.

Akhir kata, mewakili barisan penganjur, kami selaku para penasihat program ingin

merakamkan ucapan terima kasih dan penghargaan kami kepada pihak pentadbir universiti dan kolej yang membenarkan cikgu pengiring menginap di Villa Teratai UiTM Kampus Dungun, pihak pengurusan masjid yang membenarkan pelajar membuat aktiviti dan bermalam di Pusat Hidayah tanpa mengenakan sebarang bayaran, dan kepada pengurusan FPP iaitu KPP dan Koordinator Fakulti Diploma mahupun Ijazah yang sentiasa memberikan sokongan serta bantuan tatkala diperlukan. FBM Awesome.



Puan Siti Fatimah Mardiah Hamzah selaku Penceramah program menerima sijil untuk para penasihat dan fasilitator UiTM daripada Pengetua Sekolah, Cikgu Abdul Aziz Nik Mat



BizNewz 2023
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com